

古詩選

冊六

古

詩

集

卷

八

七言詩歌行鈔卷第十目次

黃山谷詩五十四首

送范德孺知慶州

次韻子瞻題郭熙畫秋山

詠李伯時摹韓幹二馬次蘇子由韻簡伯時兼

寄李德素

次韻子瞻和子由觀韓幹馬因論伯時畫天馬

謝黃從善司業寄惠山泉

次韻錢穆父贈松扇

戲和文潛謝穆父贈松扇

次韻王炳之惠玉板紙

贈鄭交

雙井茶送子瞻

和答子瞻

省中烹茶懷子瞻用前韻

以雙井茶送孔常父

常父答詩有煎點徑須煩綠珠之句復次韻戲

答

戲呈孔毅父

以團茶洮州綠石研贈無咎文潛

謝送碾賜壑源揀芽

以小團龍及半挺贈無咎并詩用前韻爲戲

送謝公定作竟陵主簿

次韻子瞻詠好頭赤圖

觀伯時畫馬

次韻子瞻寄眉山王宣義

聽宋宗儒摘阮歌

博士王揚休礪密雲龍同事十三人飲之戲作

再答黃冕仲

再答陳元興

戲書秦少游壁

送劉季展從軍雁門

次韻李任道晚飲鎖江亭

王允道送水仙花欣然會心爲之作詠

武昌松風閣

書磨崖碑後

伯時彭蠡春牧圖

次韻答和甫盧泉之水

次韻鼂補之廖正一贈答詩

再次韻呈廖明略

再次韻呈明略并寄無咎

題落星寺

和答梅子明王揚休點密雲龍

奉送周元翁鎖吉州司法廳赴禮部試

彫陂

長句謝陳適用惠送吳南雄所贈紙

送曹子方福建路運判兼簡運使

以右軍書數種贈丘十四

李君貺借示其祖西臺學士草聖并書帖一編

二軸以詩酬之

題虔州東禪圓照師新作御書閣

簡履中南玉

戲詠子舟畫兩竹兩鸚鵡

觀劉永年團練畫角鷹

次韻無咎閣子常攜琴入村

戲贈彥深

和謝公定征南謠

次韻子瞻春菜

聽崇德君鼓琴

七言詩歌行鈔卷第十

濟南王士禎選

黃山谷詩五十四首

送范德孺知慶州

純粹以下正集

乃翁知國如知兵塞垣草木識威名敵人開戶玩處
女掩耳不及驚雷霆平生端有活國計百不一試薤
九京阿兄兩持慶州節十年麒麟地上行潭潭大度
如臥虎邊人畊桑長兒女折衝千里雖有餘論道經
邦政要渠妙年出補父兄處公自才力應時須春風
旂旂擁萬夫幕下諸將思草枯智名勇功不入眼可
用折箠笞羌胡

次韻子瞻題郭熙畫秋山

黃州逐客未賜環江南江北飽看山玉堂臥對郭熙

畫發興已在青林閒郭熙官畫但荒遠短紙曲折開
秋晚江村煙外雨腳明歸雁行邊餘疊巘坐思黃柑
洞庭霜恨身不如雁隨陽熙今頭白有眼力尚能弄
筆映窗光畫取江南好風日慰此將老鏡中髮但熙
肯畫寬作程五日十日一水石

詠李伯時摹韓幹三馬次蘇子由韻簡伯時兼

寄李德素

公麟
案

太史瑣窗雲雨垂試開三馬拂蛛絲李侯寫影韓幹
墨自有筆如沙畫雖絕塵超日精爽緊若失其一望
路馳馬官不語臂指揮乃知仗下非新羈吾嘗覽觀
在垠馬駑駘成列無權奇緬懷胡沙英妙質一雄可
將十萬雌決非廝養所成就天驥生駒人得之千金
市骨今何有士或不賈五段皮李侯畫隱百寮底初

不自期人誤知戲弄丹青聊卒歲身如閱世老禪師
次韻子瞻和子由觀韓幹馬因論伯時畫天馬
于闐花驄龍八尺看雲不受絡頭絲西河驄作葡萄
錦雙瞳夾鏡耳卓錫長楸落日試天步知有四極無
由馳電行山立氣深穩可耐珠韁白玉羈李侯一顧
歎絕足領略古法生新奇一日真龍入圖畫在垌羣
雄望風雌曹霸弟子沙苑丞喜作肥馬人笑之李侯
論幹獨不爾妙盡骨相遺毛皮翰林評詩乃如此賤
肥貴瘦渠未知況我平生賞神俊僧中云是道林師
俊一作駿

謝黃從善司業寄惠山泉

錫谷寒泉醴石俱并得新詩蠶尾書急呼烹鼎供茗
事晴江急雨看跳珠是功與世滌羶腴令我屢空常

晏如安得左轡清潁尾風鑪煮茗臥西湖

次韻錢穆父贈松扇

綸

銀鉤玉唾明璽紙松箴輕涼并硯似可憐遠度幘溝
漣適堪今時襍穢子丈人玉立氣高寒三韓持節見
神山應得安期不死草使我蟬蛻塵埃閒

戲和文潛謝穆父松扇

徃毛束筆魚網紙松拊織扇清相似動搖懷袖風雨
來想見僧前落松子張侯哦詩松韻寒六月火雲蒸
肉山持贈小君聊一笑不須射雉穀黃閒

次韻王炳之惠玉板紙

虎伯

王侯須若緣坡竹哦詩清風起空谷古田小牋惠我
百信知溪翁能解玉鳴璫千杵動秋山裏糧萬里來
輦轂儒林丈人有蘇公相如子雲再生蜀往時翰墨

頗橫流此公歸來有邊幅小楷多傳樂毅論高詞欲
奏雲門曲不持歸掃蘇公門乃令小人今拜辱去騷
甚遠文氣卑畫虎不成書勢俗董狐南史一筆無誤
掌殺青司記錄雖然此中有公議或辱五鼎榮半菽
願公進德使見書不敢求君米千斛

贈鄭郊

高居大士是龍象草堂丈人非熊羆不逢壞衲乞香
飯唯見白頭垂釣絲鴛鴦終日愛水鏡菡萏晚風凋
舞衣開徑老禪來煮茗還尋密竹逕中歸

雙井茶送子瞻

人閒風月不到處天上玉堂森寶書想見東坡舊居
士揮毫百斛瀉明珠我家江南摘雲腴落磴霏霏雪
不如爲公喚起黃州夢獨載扁舟向五湖

和答子瞻

一日空回長者車
報人問疾遣兒書
翰林貽我東南句
窗閒默坐得元珠
故園溪友膾腹腴
遠包春茗問何如
玉堂下直長廊靜
爲君滿意說江湖

省中烹茶懷子瞻用前韻

閣門井不落第二
竟陵谷簾定誤書
思公煮茗共湯鼎
蚯蚓竅生魚眼珠
置身九州之上腴
爭名燄中沃焚如
但恐次山胸磊塊
終便酒觔石魚湖

以雙井茶送孔常父

武仲

校經同省竝門居
無日不聞公讀書
故持茗椀澆舌本
要聽六經如貫珠
心知韻勝舌知腴
何似寶雲與真如
湯餅作魔應午寢
慰公渴夢吞江湖

常父答詩有煎點徑須煩綠珠之句復次韻戲

答

小鬟雖醜巧妝梳掃地如鏡能檢書欲買娉婷供煮茗我無一斛明月珠知公家亦闕埽除但有文君對相如政當爲公乞如願作牋遠寄宮亭湖

戲呈孔毅父

平仲

管城子無食肉相孔方兄有絕交書文章功用不經世何異絲窠綴露珠校書著作頻詔除猶能上車問何如忽憶僧牀同野飯夢隨秋雁到東湖

以團茶洮州綠石研贈无咎文潛

鼉子智囊可以括四海張子筆端可以回萬牛自我得二士意氣傾九州道山延閣委竹帛清都太微望冕旒貝宮胎寒弄明月天網下罩一日收此地要須無不有紫皇訪問富春秋鼉無咎贈君越侯所貢蒼

玉壁可烹玉塵試春色燒君胸中過秦論斟酌古今
來活國張文潛贈君洮州綠石含風漪能淬筆鋒利
如錐請書元祐開皇極第入思齊訪落詩

謝送碾賜壑源揀芽

香雲從龍小蒼壁元豐至今人未識壑源包貢第一
春細匳碾香供玉食睿思殿東金井欄甘露薦椀天
開顏橋山事嚴屹百局補袞諸公省中宿中人傳賜
夜未央雨露恩光照宮燭左丞似是李元禮好事風
流有涇渭肯憐天祿校書郎親敕家庭遣分似春風
飽識大官羊不慣腐儒湯餅腸搜攬十年燈火讀令
我胸中書傳香已戒應門老馬走客來問字莫載酒
以小團龍及半挺贈無咎并詩用前韻爲戲
我持元圭與蒼壁以暗投人渠不識城南窮巷有佳

人不索賓郎常晏食赤銅茗椀兩班班銀粟翻光解
破顏上有龍文下棊局擔囊贈君諾已宿此物已是
元豐春先皇聖功調玉燭鼂子曾中開典禮平生自
期莘與渭故用撓君磊塊曾莫令鬢毛雪相似曲几
團蒲聽煮湯煎成車聲繞羊腸雞蘇胡麻留渴羌不
應亂我官焙香肥如瓠壺鼻雷吼幸君飲此勿飲酒

送謝公定作竟陵主簿

謝公文章如虎豹至今班班在兒孫竟陵主簿極多
問萬事不理端討論澗松無心古須鬣天球不琢中
粹溫落筆塵沙百馬奔劇談風霆九河翻曾中恢疎
無怨恩當官持廉庭不煩吏民欺公亦可忍慎勿驚
魚使水渾漢濱耆舊今誰存駟馬高蓋徒紛紛安知
四海習鑿齒拄笏看度南山雲

次韻子瞻詠好頭赤圖

李侯畫骨不畫肉筆下馬生如破竹秦駒雖入天仗
圖猶恐真龍在空谷精神權奇汗溝亦有頭赤烏能
逐日安得身爲漢都護三十六城看歷歷

觀伯時畫馬

儀鸞供帳饗蟲行翰林涇薪爆竹聲風簾官燭淚縱
橫木穿石槃未渠透坐窗不遑令人瘦貧馬百賢逢
一豆眼明見此五花驄徑思著鞭隨詩翁城西野桃
尋小紅

次韻子瞻寄眉山王宣義

參軍但有四立壁初無臨江千木奴白頭不是折腰
具桐帽棕鞵稱老夫滄江鷗鷺野心性陰壑虎豹雄
牙須鸛鷖作裘初服在猩血染帶鄰翁無昨來杜鵑